



04-01-19

REPUBLIKA E KOSOVËS  
 REPUBLIKA KOSOVA - REPUBLIC OF KOSOVO  
 GJYKATA THEMELORE FERIZAJ

Numri i lëndës: 2018:036178

Datë: 14.11.2018

Numri i dokumentit: 00175493

P.nr.932/2018

## NË EMER TË POPULLIT

**GJYKATA THEMELORE NE FERIZAJ**- Departamenti i Përgjithshëm, Divizioni Penal, gjyqtari Adem Shabani, me zyrtaren ligjore Kadishe Shabani, në çështjen penale kundër të akuzuarit [REDACTED], nga fshati [REDACTED] Komuna Ferizaj, për shkak të veprës penale lëndimi i lehtë trupor nga neni 188 par.1 nënëaragafi 1.4 të KPRK-së, sipas aktakuzës së Prokurorisë Themelore në Ferizaj PP.II.nr.1244-7/2018 e dt.03.07.2018, pas mbajtjes së shqyrtimit fillestar, në prani të përfaqësuesit të akuzës - prokurorit të shtetit Bahri Hyseni të akuzuarit [REDACTED] dhe të dëmtuarit [REDACTED], me datën 14.11.2018 solli dhe publikisht shpalli këtë:

## A K T G J Y K I M

I akuzuari [REDACTED] nga fshati [REDACTED] Komuna Ferizaj, i lindur me datën [REDACTED] në të njëjtin vend, nga i ati [REDACTED] dhe e ëma [REDACTED], e gjinisë [REDACTED], shqiptar, shtetas i Republikës së Kosovës, ka të kryer shkollën e mesme, i pa punësuar, i gjendjes së mesme ekonomike, mbrohet në liri me numër personal [REDACTED].-

## ËSHTË FAJTORË

Sepse me datën 06.06.2018, rreth orës 12:00 h, në fshatin [REDACTED], Komuna Ferizaj, përkatësisht në shtëpinë e tyre të përbashkët, i pandehuri ka vepruar në kundërshtim me Ligjin për Mbrojtje nga Dhuna në Familje Nr.03/L-182, në atë mënyrë që pas një mosmarrëveshje të

ndodhur aty për aty, e sulmon fizikisht të dëmtuarin- vllaun e tij [REDAKTUAR], duke e goditur me grusht në fytyrë, ku për pasojë të dëmtuarit i shkaktohen lëndime trupore, e që bazuar në mendimin dhe konstatimin e ekspertit mjeko ligjor të datës 25 Qershor 2018, lëndime të tilla bëjnë pjesë në dëmtime të lehta trupore me pasoja të përkohshme për shëndetin.

Me të cilën kreu veprën penale lëndimi i lehtë trupor nga neni 188 par.1 nën paragrafi 1.4 të KPRK-së.

Gjykata në bazë të neneve 4, 7, 41, 46, dhe 73 të KPRK-së, dhe nenit 365 të KPPK-së të akuzuarin e

### GJYKON ME DËNIM ME GJOBË

I. Të akuzuarit [REDAKTUAR] i shqipton dënimin me gjobë në shumë prej 200 (dyqind) Euro, të cilin dënim me gjobë, nga rrethanat e arsyeshme i mundëson ta paguan me këste për një periudhë prej katër muajve, konform nenit 46 par.2 të KPRK-së, nga dita e plotfuqishmërisë së këtij aktgjykimi.

Në rast se personi i dënuar nuk dëshiron ose nuk mundet ta paguan dënimin në të holla, sipas nenit 46 par.3 të KPRK-së, i njëjti dënim do t'i shndërrohet në dënim me burgim ashtu që për çdo 20 Euro, do t'i llogaritet një (1) ditë burgim.

II. I dëmtuari [REDAKTUAR], nga fshati [REDAKTUAR] Komuna Ferizaj, në shqyrtimin fillestar ka hequr dorë nga kërkesa pasurore-juridike, nuk është udhëzuar në kontest civil.

III. Obligohet i akuzuari të paguaj shpenzimet e procedurës penale për ekspertizën mjeko- ligjore shumë prej 20 Euro, si dhe paushallin gjyqësor në shumë prej nga 20 (njëzetë) Euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcenim të përmbarimit të dhunshëm.

IV. I shqiptohet taksa në shumë prej 30 Euro, konform nenit 39 paragrafi 3 nën paragrafi 3.1 të Ligjit për kompensimin e viktimave të krimit.

## A r s y e t i m

Prokuroria Themelore në Ferizaj ka paraqitur aktakuzën PP.II.nr.1244-7/2018 e dt.03.07.2018, me të cilën ka ngarkuar të akuzuarin [REDAKTUAR] nga fshati [REDAKTUAR] Komuna Ferizaj, për shkak të veprës penale lëndimi i lehtë trupor nga neni 188 par.1 nënëaragafi 1.4 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt. 14.11.2018, ka mbajtur shqyrtimin fillestar në të cilin kanë marrë pjesë prokurori i shtetit Bahri Hyseni, i akuzuari [REDAKTUAR] dhe i dëmtuari [REDAKTUAR]

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën ndaj të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR] ka theksuar se e ndien veten fajtorë dhe e pranon fajësinë për veprën penale për të cilën është akuzuar, të dëmtuarin e ka vëlla dhe ditën kritike ka pasur një mosmarrëveshje me të dhe tani me vllahun nuk ka kurrfar problemi jetoj së bashku me një shtëpi i kërkon falje dhe është penduar për veprën penale që e ka kryer në të ardhmen nuk do të kryer vepra të tilla penale dhe kujdeset për vllahun dhe gjithherë do të jetë më i kujdesshëm dhe është hera e parë që ndeshet me ligjin dhe i propozoj gjykatës që me rastin e shqiptimit të dënimit të merr për bazë të gjitha rrethanat lehtësuese.

Pas pranimin të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë, mbrojtësit dhe të dëmtuarit.

Prokurori i shtetit Bahri Hyseni deklaroi se pajtohet me pranimin e fajësisë nga ana e të pandehurit, pasi pranimi i tillë është bërë konform ligjit gjegjësisht në ekspertizën e ekspertit mjeko ligjor dhe në provat tjera të cilat gjenden në shkresat e lëndës e të cilat e vërtetojnë gjendjen faktike propozon gjykatës që me rastin e shqiptimit të dënimit të merr për bazë pranimin e fajësisë.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPRK-së, është e bindur se i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

I dëmtuari [REDAKTUAR], në shqyrtimin fillestar ka deklaruar se nuk i bashkëngjitet ndjekjes penale dhe nuk parashtron kërkesë pasurore-juridike dhe tani me vllahun e tij nuk ka diçka të keqe dhe se vllahu kujdeset për te.

Gjykata në shqyrtimin fillestar ka vetëtuuar se i akuzuari pranimin e fajësisë e ka mbështet në provat që gjenden në shkresat e kësaj lënde penale, në deklaratën e të akuzuarit [REDAKTUAR] dhenë në polici me datën 06.06.2018, në deklaratën e të dëmtuarit [REDAKTUAR] dhënë në polici me datën 06.06.2018, ekspertizën mjeko ligjore numri i referencës FE-490/18 të datës 25.06.2018, lidhur me lëndimet e të dëmtuarit [REDAKTUAR], dhe provat të tjera që gjinden në lëndë.

*Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale Lëndim i lehtë trupor, nga neni 188 par 1 nën par 1.4 të KPRK-së.*

Me rastin e matjes së llojit dhe lartësisë së dënimit gjykata pati parasysh të gjitha rrethanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrethanë lehtësuese për të akuzuarin mori pranimin e fajësisë nga ana e të njëjtit, pendimin për veprën penale të kryer, kërkim falje shprehur të dëmtuarit- vllaut të tij [REDAKTUAR] në shqyrtim gjyqësorë, është hera e parë që ndeshet me ligjin gjykata vlerësoi shkallën e përgjegjësisë penale të akuzuarit dhe rrezikshmërinë konkrete të kësaj vepre penale, dhe në kuptim të të gjitha këtyre, i shqiptoi dënim me gjobë në shumë prej 200 / dyqind / Euro, nga rrethanat e arsyeshme i mundëson ta paguan me këste për një periudhë prej katër muajve, konform nenit 46 par.2 të KPRK-së, si në dispozitiv duke qenë e bindur se një dënim i tillë është në proporcion dhe raport me peshën e veprës konkrete penale, rrethanave të kryerjes si dhe personalitetin e të akuzuarit dhe me te arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Numri i lëndës: 2018:036178  
Datë: 14.11.2018  
Numri i dokumentit: 00175493

Gjykata konformë nenit 461 parag.1 të KPPK-së të dëmtuarin [REDAKTUAR] për realizimin e kërkesës pasurore-juridike nuk e ka udhëzuar në kontest civil pasi ka hequr dorë nga propozimi.


Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nën par. 3.1 të Ligjit për Kompensimin e viktimave të krimit Nr.05/L-036.

Nga arsyet e lartë përmendura është vendos si në dispozitiv të këtij aktgjykimi.

**GJYKATA THEMELORE NË FERIZAJ**  
Departamenti i përgjithshëm-divizioni penal,  
P.nr.932/18 me datë 14.11.2018

Zyrtarja Ligjore  
Kadishe Shabani

Gjyqtari  
Adem Shabani



**KËSHILLA JURIDIKE:** Kundër këtij aktgjykimi është e lejuar ankesa në afat prej 15 ditësh nga dita e pranimi, Gjykatës së Apelit në Prishtinë, përmes kësaj gjykate.